

Bejaarde ma se droom word waar

Skool genoem na vryheidsvegter

Inge Kuhne

"Die herinnering aan die tenger, jongende vrou wat voor die Waarheid-en-Versoeningskommissie getuig het, bring vir my net soveel pyn soos die onmenslikhede van die verlede."

So het pres. Nelson Mandela gister by die hernoeming van die Ahmed Timol Secondary School in Azaadville, Krugersdorp, sy gevoel beskryf oor die versoek van Timol se bejaarde ma aan die WVK dat die skool na hom genoem word.

Mev. Hava Timol is kort ná haar verskyning voor die WVK dood, maar haar ander seuns was gister by die seremonie getuies van Azaadville se poging om Timol se nagedagtenis te laat voortleef.

Mandela het die skool, voorheen die Azaadville Secondary School, amptelik hernoem na dié vryheidsvegter wat meer as 27 jaar gelede in die ouderdom van 30 dood is terwyl

hy deur die veiligheidspolisie ondervra is.

Timol het in Oktober 1971 uit 'n venster op die tiende verdieping van die destydse John Vorsterplein-polisiekantoor geval. Volgens die veiligheidspolisie het hy glo selmoord gepleeg, maar dié weer-gawe is nooit deur Timol se medestryders aanvaar nie.

"Dit was meer as duidelik dat Timol en sy mede-aangehoudene en vriend, Mohamed Salim Essop, voor sy dood erg aangerand is deur die veiligheidspolisie. Daar is bewerings dat 'n polisie-man Timol laat val het terwyl hy hom aan sy bene by die venster laat uithang het," het dr. K.C. Naik, 'n voormalige kollega van Timol, gister gesê.

"Ek glo dié weergawe, want hulle het my ook erg aangerand en gedreig om my by 'n venster te laat

uithang terwyl ek by John Vorsterplein aangehou is," het hy gesê.

Mandela het gesê Timol was 'n dapper jong man wat geglo het in vryheid en geregtigheid.

"Ek kan nie help om te wonder wat van hom sou geword het nie. Sou hy 'n pa gewees het en dalk 'n onderwyser by hierdie skool?" wou Mandela weet.

Honderde leerlinge, ouers en inwoners van Azaadville het Mandela jillend by sy motor gaan wegstien toe hy kort ná die seremonie vertrek het.

"Vir ons is dit tegeelyk 'n bye en 'n hartseer dag. My ma sou verheug gewees het om dit te sien," het mnr. Mohamed Timol, Timol se broer, gesê.

Hy het die skool en gemeenskap bedank vir die eerbetoon.

■ ikuhne@mweb.co.za

'n Leerling van die Ahmed Timol Secondary School in Azaadville, Krugersdorp, hang 'n blomkrans om pres. Nelson Mandela se nek op die hernoemingsseremonie van die skool.

Foto: SCHALK VAN ZUYDAM



ma se ord waar vryheidsvegter

idspolisie on-
ber 1971 uit 'n
de vertieping
John Vorster-
geval. Volgens
e het hy glo
maar die weer-
Timol se mede-

uithang terwyl ek by John Vorster-
plein aangehou is," het hy gesê.
Mandela het gesê "Timol was 'n
dapper jong man wat geglo het in
vryheid en geregtigheid.

"Ek kan nie help om te wonder
wat van hom sou geword het nie.
Sou hy 'n pa gewees het en dalk 'n
onderwyser by hierdie skool?" wou
Mandela weet.

Honderde leerlinge, ouers en in-
woners van Azaadville het Mandela
jillend by sy motor gaan wagsien
toe hy kort ná die seremonie ver-
trek het.

"Vir ons is dit tegelyk 'n blye en
'n hartseer dag. My ma sou verheug
gewees het om dit te sien," het mnr.
Mohamed Timol, Timol se broer,
gesê.

Hy het die skool en gemeenskap
bedank vir die eerbetoon.

■ ikuhne@mweb.co.za

Ahmed Timol Secondary School in Azaadville,
'n blomkrans om pres. Nelson Mandela se nek
seremonie van die skool.

Foto: SCHALK VAN ZUYDAM

